

de nobis expertus es? ne eo metiare animum nostrum. Exiguum illud fuit. Longe ardentior est: semperque erit erga imperii gloriam: proficisceris tu quidem ad hoc bellum: dux magnarum rerum. Experieris ut speramus fidelissimos constantissimosque socios aliquando aliqua in re magna: nunquam satisfacturos: aut imperatoriae maiestati: aut gloriae tuae: aut nobis ipsis: nisi fidem nostram: & animi magnitudinem: non uerbis solum: aut opibus: sed corporibus propriis: & sanguine etiam ipso contestemur. Postquam Tribunus finem dicendi fecit: Respondit Narses: Dignam sibi rem uideri: Quae etiam atque etiam diligentius perpendatur. Sibi esse proficiscendum: tempore causae cognitionem indigere. Interim hortatus est utrumque populum ad pacem concordiamque: patauinos uero: ut patriam instaureret: & uincant Venetos studio & diligentia apud imperium. Prius autem quam discederet: duas edes hac in insula uouit: si fieret uoti compos.

Totila rex cognito iam antea Narsetis aduentu: in uniuersum ea quae ad tanti belli molem necessaria uidebantur: impigre moliri. Maxima tamen illa angebatur cura: quod intellexerat langobardos iter facere per cisalpinam. Eo consilio ut interiectas ciuitates tentarent: Taurisium: Patauium: Vincentiam Veronam. Si id non succedat: padum quam primum transmittant. Praestantius autem indicabat iis occurrere. Et priusquam ceteris copiis Narsetis adiungerentur experiri: belli fortunam. Theiam primum belli ducem transmittit ad eos distinendos simulque continendas infide ciuitates. Ceterum multa (ut est bellorum incertus euentus) huic consilio obstiteret. Nam & ob pecuniae inopiam aliquot Gotthorum duces ex hibernis educere non potuit: & sociarum ciuitates: posteaquam Narsetem in Italia pedem posuisse acceperunt: imperata negligentius faciebant. Franci quoque liguribus finitimi: cum quibus illi erat foedus: uerbis magis quam re auxilia parare. Continuit quidem Theias ciuitates in officio: pracludere uero langobardis transitum haud potuit ob militum paucitatem. Itaque longe celerius Totile opinione langobardi iter conficiunt. Siquidem flumina interiecta paludesque: quae eos moraturae uidebantur: exsiccatis per aestiuum sydus ubique fossis: facilem transitum praebuerunt: Transmisso pado: ponte ne aratibus incertum: ad brixillum castra muniunt. Erat autem Brixillum ea tempestate cuius cispadanarum ciuitatum: excepta Rauenna pene par & magnitudine & ciuium frequentia. Secuti semper & romanorum & imperatoris partes. Narses interea per aestuaria ceteras ut dixi copias Rauennam transmittit. Atque animo iam praesumens Totilae consilium: Quingentos delecti roboris milites auxilio langobardis continuo dimittit. Totila accepto Langobardorum transitu: Quamquam spe celerius transmississent: tamen in confligendi proposito constantius persistit: Theiae ut aduo-